

09 AUG 1997

PRESIDEN COSTA RICA KUNJUNGI MAHATHIR

KUALA LUMPUR, 9 Ogos (Bernama) -- Presiden Costa Rica Jose Maria Figueres Olsen yang sedang melakukan lawatan tidak rasmi tiga hari ke Malaysia, hari ini mengunjungi Perdana Menteri Datuk Seri Dr Mahathir Mohamad di Jabatan Perdana Menteri di sini.

Turut bersama beliau ialah Menteri Perdagangan negara itu Jose Manual Salazar dan Menteri Pendidikan Eduardo Doryan. Menteri Luar Datuk Seri Abdullah Ahmad Badawi juga hadir.

Olsen kemudian melawat Perbadanan Kemajuan Multimedia (MDC) dan dijadualkan makan tengah hari di Menara KL.

Beliau tiba di Pulau Pinang pada Khamis lepas dan melawat antara lain Perbadanan Pembangunan Pulau Pinang (PDC). Beliau telah mengunjungi Ketua Menteri Tan Sri Dr Koh Tsu Koon semalam.

Olsen tiba di sini pagi ini, dengan diiringi isterinya Wanita Pertama Josette Altman de Figueres dan delegasi 12 anggota.

Mereka akan berlepas ke Taipei petang ini. -- BERNAMA

HAK NMO